

Псалом 85

Автор: Павел
22.03.2012 12:46

Приклоні Гóсподи, ўхо Твое и услыши мя, яко нищ и убóг есмь аз. Сохрани дúшу мою, яко преподóбен есмь, спаси раба Твоего, Бóже мой, уповающаго на Тя. Помилуй мя Гóсподи, яко к Тебе воззову весь день. Возвесели дúшу раба Твоего, яко к Тебе взях дúшу мою. Яко Ты Гóсподи, благ, и долготерпелив, и многомилостив всем призывающим Тя. Внуши Гóсподи, молитву мою, и вонми гласу молéния моего. В день печали моея возвах к Тебе, яко услыша мя. Несть подобен Тебе в бóзех Гóсподи, и несть по делом Твоим. Все языцы елико сотвори приидут, и поклонятся пред Тобою Гóсподи, и прославят имя Твое. Яко велии еси Ты, и твори чудеса, Ты еси Бог еди́н. Настави мя Гóсподи, на путь Твой, и пойду во истине Твоей: да возвеселится сердце мое, бояться имене Твоего. Испове́мся Тебе, Гóсподи Бóже мой, всем сердцем моим, и прославлю имя Твое в век. Яко милость Твоя велиа на мне, и избави дúшу мою от ада преисподняго. Бóже, законопреступницы восташа на мя, и сонм державных взыскаша дúшу мою, и не предложиша Тебе пред собою. И Ты Гóсподи Бóже мой, щедр и милостив, долготерпелив и многомилостив и истинен. Призри на мя и помилуй мя, даждь державу Твою́ отроку Твоему́, и спаси сына рабы Твоея. Сотвори со мною знамение во благо, и да видят ненавидящие мя и постыдятся; яко Ты Гóсподи, помо́же ми, и утешил мя еси.